

dum hanc considerationem gravius peccatum dicitur ex suo genere quod majori bono virtutis opponitur; unde cum bonum virtutis consistat in ordinatione amoris, ut Augustinus dicit (lib. I de moribus Ecclesiæ, cap. xv), Deum autem super omnia diligere debeamus; peccata quæ sunt in Deum, sicut idolatria, blasphemia et lujuſmodi, secundum suum genus sunt reputanda gravissima. Inter peccata autem quæ sunt in proximum, tanto aliqua sunt aliis graviora, quanto majori bono proximi opponuntur. Maximum autem bonum proximi est ipsa vita hominis, cui opponitur peccatum homicidii, quod tollit actualēm hominis vitam, et peccatum luxuriae, quod opponitur viṭe hominis in potentia, quia est inordinatio quædam circa actum generationis humanae. Unde inter omnia peccata quæ sunt in proximum, gravius est homicidium secundum genus suum; et secundum locum tenet adulterium et fornicatio, et lujuſmodi peccata carnalia; tertium autem locum tenet furtum et rapina et lujuſmodi, per quæ in exterioribus bonis lœdūt proximus. In singulis autem horum generum sunt diversi gradus, in quibus mensuram peccati secundum genus suum oportet accipere, secundum quod bonum oppositum magis vel minus per caritatem debet amari. Ex parte autem circumstantiae est etiam gravitas in peccato, non ex specie sua, sed accidentalis. Similiter etiam ex parte agentis attenditur gravitas in peccato, secundum quod magis vel minus voluntarius peccat; voluntas enim est causa peccati, ut supra, art. 2 et 3, diximus. Sed haec gravitas non competit peccato secundum suam speciem; et ideo si gravitas peccati attendatur secundum speciem ejus, tanto inventur peccatum gravius quanto majori bono opponitur.

Ad PRIMUM ergo dicendum, quod in peccato inventur duplex boni ademptio. Una formalis per quam tollitur ordo virtutis; et quantum ad hanc refert utrum primo vel secundo peccet; quia secundum peccatum potest plus privare de ordine virtutis in actu quam primum. Alia vero est ademptio boni, quæ est effectus peccati, scilicet privatio gratiæ et gloriæ; et quantum ad hanc primum peccatum plus tollit quam secundum; sed hoc est per accidentem, quia secundum non inventur quod primum inventit. Per ea autem quæ sunt per accidentem non est judicium de rebus sumendum.

Ad SECUNDUM dicendum, quod fides et spes sunt präambula ad caritatem; unde infidelitas, quæ opponitur fidei, et despicatio, quæ opponitur spei, maxime opponuntur caritati; quia radicibus eam evellunt.

Ad TERTIUM dicendum, quod aliquem peccare scientem vel ignorantem, licet accidat alicui peccati speciali, puta furto quantum ad species ejus, tamen quantum ad rationem generis, idest inquantum est peccatum, non accidit, quia de ratione

peccati est ut sit voluntarium: unde ignorantia quæ diminuit voluntarium, diminuit etiam rationem peccati.

Ad QUARTUM dicendum, quod poenæ quæ inferuntur a Deo in futura vita, respondent gravitati culpæ; unde Apostolus Roman., II, 2, dicit, quod *judicium Dei est secundum veritatem in eos qui talia agunt*. Sed poenæ quæ in presenti vita infliguntur sive a Deo sive ab homine, non semper respondent gravitati culpæ. Interdum enim minor culpa graviori poena punitur temporaliter propter magus periculum evitandum: poenæ enim presentis vite quasi medicinae adhibentur. Peccatum enim schismatis perniciosissimum est in rebus humana, quia dissolvit totum regimen humanae societatis.

ARTICULUS XI. — *Utrum peccatum diminuat bonum naturæ.*  
(II part., quæst. LXXXV, art. 1.)

Undecimo quaeritur, utrum peccatum diminuat bonum naturæ. Et videtur quod non. Nullum enim diminutum est integrum. Sed bona naturalia manent integra in dæmonibus post peccatum, ut dicit Dionysius (cap. iv de divin. Nomin.). Ergo bonum naturæ non diminuitur per peccatum.

2. Præterea, accidens non tollit suum subjectum. Sed malum culpæ est in bono naturæ sicut in subjecto. Ergo malum culpæ non tollit aliquid a bono nature, et ita non diminuit ipsum.

3. Sed diceretur, quod bonum naturæ diminuitur per malum culpæ, non quantum ad substantiam subjecti, sed quantum ad aptitudinem, sive ad habilitatem. — Sed contra, privatio nihil tollit de eo quod est commune sibi et formæ opposite. Sed sic substantia subjecti est communis privationi et formæ, ita etiam aptitudo, sive habilitas; requirit enim privatio in subjecto aptitudinem ad formam oppositam. Ergo privatio nihil tollit de habilitate subjecti.

4. Præterea, diminuit quoddam pati est. Pati autem in suscipiendo est, agere autem in emittendo magis. Nihil ergo diminuitur secundum actum suum. Sed peccatum in actu consistit. Ergo per peccatum non diminuitur bonum nature peccantis.

5. Sed diceretur, quod peccatum est actus potentiae, quæ non diminuitur, sed sola ejus habilitas. — Sed contra, pati dicitur aliquid non solum si subtrahatur ei aliquid quod sit de substantia ejus, sed etiam si subtrahatur accidens ejus; aqua enim pati dicitur non solum cum amittit formam substantialem, sed etiam cum calefacta frigiditatem amittit. Habilitas autem est accidentis potentiae. Ergo si diminuitur habilitas, ipsa potentia patitur per actum proprium; quod videtur impossible secundum predicta.

6. Præterea, in rebus naturalibus agens patitur, non tamen patitur secundum quod agit; nam agit quidem secundum quod

est actu, patitur autem secundum quod est in potentia; sicut aer actu calidus in frigidatur per aquam, in quantum est frigidus in potentia; calefacit autem aquam, in quantum est actu calidus. Sed hoc est communiter verum in omnibus quod nihil secundum idem est actu et potentia. Nihil ergo patitur secundum quod agit; neque ergo peccans diminuitur in suo bono naturali per propriam actionem peccati.

7. Præterea, diminuere est agere quoddam. Sed actus non agit; esset enim procedere in infinitum, cum omne quod agit, actum causet. Cum ergo peccatum sit actus quidam, videtur quod peccatum non diminuat bonum naturæ.

8. Præterea, cum diminutio sit motus quidam, diminuere movere est. Nihil autem movet seipsum; moveret autem seipsum aliquid, si properet actionem moveretur. Non ergo peccans diminuitur in suo bono naturæ per suam actionem peccati.

9. Præterea, Dionysius dicit (IV cap. de divin. Nomin.), quod malum non agit nisi virtute boni. Sed peccatum in virtute boni non corrumpt bonum naturæ, quia virtus boni non est corruptiva, sed salvativa magis. Ergo peccatum non diminuit bonum naturæ.

10. Præterea, Augustinus dicit in Ench. (cap. XIII, in princi.), quod in bono et malo fallit Dialeticorum regula, quæ dicit quod opposita non sunt simili. Non autem falleret, nisi malum esset in bono sibi opposito sicut in subiecto. Est ergo peccatum in bono naturæ sibi opposito sicut in subiecto. Sed nullum accidens diminuit sibi subiectum. Ergo peccatum non diminuit bonum naturæ, etiam secundum quod est ei oppositum.

11. Præterea, si peccatum diminueret bonum naturæ, diminueretur libertas arbitrii, in quo præcipue peccatum consistit. Sed Bernardus dicit (in lib. de lib. Arb., aliquantulum a princ.), quod liberum arbitrium detrimentum non patitur in damnatis. Ergo bonum naturæ non diminuitur per peccatum.

12. Præterea, si peccatum diminuit habitationem naturalem ad bonum; aut ex parte subjecti, aut ex parte boni ad quod subiectum est habile; inter haec enim duo habilitates consideratur quasi medium quoddam. Non autem diminuit ipsum ex parte subjecti, sicut nec ipsum subiectum. Secundum autem quod conjugitur cum bono virtutis vel gratiae, videtur habilitas praedita pertinere ad genus moris. Sic ergo per peccatum nullo modo diminuitur bonum naturæ.

13. Præterea, Augustinus dicit, VIII super Genes. ad littoram (lib. IX, cap. x) quod infusio gratiae est sicut illuminatio, et per consequens peccatum est sicut obtenebratio mentis. Sed tenebra non tollit ab aere habitationem ad lumen. Ergo nec etiam peccatum tollit aliquid de habitatione ad gratiam.

14. Præterea, habilitas naturalis ad bonum videtur esse

idem quod justitia naturalis. Justitia autem est rectitudine quædam voluntatis, ut Anselmus dicit (in lib. de Veritate, cap. xii). Rectitudine autem non potest diminui, quia omne rectum aequaliter est rectum. Ergo neque bonum naturæ, quod est habilitas naturalis, diminuitur per peccatum.

15. Præterea, Augustinus dicit (in lib. de immortalitate Animæ, cap. ii), quod mutato aliquo, mutatur id quod in eo est. Sed diminutio est quedam species motus. Ergo diminuto subiecto, diminuitur accidens quod in eo est. Sed culpa est in bono naturæ sicut in subiecto. Si ergo culpa diminuit bonum naturæ, diminuit semetipsam; quod est inconveniens.

16. Præterea, secundum Philosophum (in II Ethic., cap. v), tria sunt in anima: potentia, habitus, et passio. Sed passio non diminuitur per peccatum; quoniam per peccata multiplicatur; unde et passiones peccatorum dicuntur ad Rom., vii; habitus autem virtutis totaliter tollitur per peccatum, potentia autem totaliter manet. Nullum ergo bonum naturæ est in anima quod per peccatum diminuitur.

Sed contra est quod Lucæ, x, super illud: *Et plagis impotitis abiurunt*, dicit Glossa (ordinar.), quod peccatis humanæ naturæ integritas violatur. Non autem violatur integritas nisi per diminutionem. Ergo peccatum diminuit bonum naturæ.

Præterea, Augustinus dicit (XI de Civit. Dei, cap. ix), quod vitium est malum, quia nocet naturæ bona; quod non esset, nisi admireret aliquid. Diminuit ergo bonum naturæ.

Præterea, Augustinus dicit (in IV Musicae, cap. v, non procul a fin.), quod anima per peccatum facta est imbecillior. Diminuit ergo bonum naturæ in ipsa per peccatum.

Præterea, creatura rationalis se habet ad gratiam sicut oculus ad lumen. Sed oculus in tenebris existens fit minus habilis ad videndum lumen. Ergo anima diu in peccato manens, fit minus habilis ad percipiendam gratiam: et ita bonum naturæ quod est habilitas, diminuitur per peccatum.

Respondeo dicendum, quod quia diminuere est quoddam agere, considerandum est, quod modis aliquid agere dicatur, ut sciatur qualiter peccatum bonum naturæ diminuat. Dicitur autem proprie quidem agere ipsum agens quod actum producit, abusive autem id quo agens agit: sicut proprie quidem pector facit album parietem; sed quia facit album per albedinem, consuevit etiam dici quod albedo facit album. Quot ergo modis id quo proprie est agens dicunt agere, tot etiam modis agere dicuntur id quo agens agit. Agens autem principalius dicunt agere aliquid et per se et per accidens; per se quidem quo agit secundum propriam formam, per accidens autem quod agit removendo prohibens; sicut per se quidem illuminat dominum sol, per accidens vero qui aperit fenestram, quæ erat obstaculum lumini. Rursus principale agens dicuntur

aliquid agere primo, et aliquid consequenter; sicut generans primo quidem dat formam, consequenter autem dat motum, et omnia quæ consequuntur ad formam; unde generans dicitur movens gravium et levium, ut dicitur in VIII Physic. (com. xxxii). Quod autem dictum est in effectibus positivis, similiter oportet intelligi quantum ad effectus privationis: sic enim corruptens et diminuens est movens, sicut et generans et augens. Unde manifeste accipi potest, quod sicut removens obstaculum luminis dicitur per accidentis illuminare, et etiam ipsa remotio obstaculi, abusive tamen; ita etiam ponens obstaculum lumini dicitur tenebrellare, et etiam ipsum obstaculum. Sicut autem lumen a sole diffunditur in aeren, ita gratia a Deo infunditur animæ, quæ quidem est supra naturam animæ; et tamen in natura animæ, vel cuiuscumque creaturæ rationalis, est aptitudo quedam ad gratias susceptionem, et per gratiam susceptam fortificatur in debitis actibus. Peccatum autem est quoddam obstaculum interpositum inter animam et Deum, secundum illud Isat., LIX, 2: *Peccata vestra divisorunt inter vos et Deum vestrum*. Cujus ratio est, quia sicut interior aer domus non illuminatur a sole, nisi directe aspiciat solem, et hoc dicitur illuminationis obstaculum quod hujusmodi respectus rectitudinem impedit; ita anima non potest illuminari a Deo per gratias susceptionem, nisi directe convertatur in ipsum. Hanc autem conversionem impedit peccatum, quod convertit animam in oppositum, quod scilicet est contra legem Dei. Unde manifestum est quod peccatum est obstaculum quoddam impediens gratias susceptionem. Omne autem obstaculum aliquius perfectionis aut formæ, simul cum hoc quod excludit formam vel perfectionem quaecumque, facit susceptivum minus aptum vel habile ad formæ receptionem; et ulterius per consequens impedit effectus formæ vel perfectionis in subjecto; et maxime si obstaculum illud fuerit aliquid inherens vel habitu vel actu. Manifestum est enim quod id quod moveretur, uno motu, non simul moveretur contrario, et est etiam minus aptum vel habile ut motu contrario moveatur; sicut etiam quod est calidum, est minus aptum ut sit frigidum; difficilis enim frigi impressionem recipit. Sic ergo peccatum, quod est obstaculum gratiae, non solum excludit gratiam, sed etiam facit animam minus aptam vel habilem ad gratias susceptionem; et sic diminuit aptitudinem vel habilitatem a bono ad gratiam (1). Unde cum hujusmodi habilitas sit quoddam bonum naturæ, peccatum diminuit bonum naturæ; et quia gratia naturam perficit et quantum ad intellectum, et quantum ad voluntatem, et quantum ad inferiores animæ partes obaudibiles rationi, irascibilem dico et concupisibilem; peccatum excludendo gratiam et hujusmodi auxilia naturæ, dicitur vuln-

(1) *At bonum, ad gratiam. Forte animæ ad gratiam, vel ad bonum gratie.*

rare naturam. Unde ignorantia, malitia et hujusmodi dicuntur quædam naturæ vulnera consequentia ex peccato.

AD PRIMUM ergo dicendum, quod bonum naturæ integrum manet quantum ad substantiam boni naturalis; sed per peccatum diminuitur aptitudo ad gratiam, ut dictum est; quæ quidem est quoddam bonum naturæ.

AD SECUNDUM dicendum, quod accidentis etsi non tollat substantiam sui subjecti, potest tamen diminuere habilitatem ad aliud accidentem; sicut calor diminuit habilitatem ad frigus; et ita est in proposito, ut dictum est.

AD TERTIUM dicendum, quod secundum Philosophum (in III Physic., com. x) dicitur, quod potentia sanum et potentia ægrum est idem subiecto propter unam substantiam subjecti, quæ est in potentia ad utrumque; differunt tamen ratione, quia ratio potentias sumitur ab actu. Sic ergo peccatum non diminuit habilitatem ad gratiam ex ea parte qua radicatur in substantia animæ; sic enim communis est una existens contrariorum, sed ex ea parte qua ordinatur ad oppositum, prout differens est.

AD QUARTUM dicendum, quod ad actum moralem concurrunt actus multarum potentiarum animæ, quarum quedam sunt motivæ aliarum, sicut intellectus mouet voluntatem, et voluntas mouet irascibilem et concupisibilem. Movens autem imprimi aliquid in motum. Unde patet quod in actu morali non est sola emissio, sed etiam receptio; et propter hoc ex actibus moralibus potest causari aliquid in agente, ut habitus vel dispositio, vel etiam aliquid oppositum his.

QUINTUM concedimus.

AD SEXTUM dicendum, quod actio naturalis consistit in emissione tantum; unde actio naturalis nihil causat in agente, maxime in simplicibus agentibus, quæ non sunt composita ex agente et paciente vel movente et moto: in his enim quæ sic composita sunt videtur eadem ratio esse quæ est in actibus moralibus.

AD SEPTIMUM dicendum, quod actus non proprie dicitur agere, sed abusive, quia est quo agens agit.

AD OCTAVUM dicendum, quod nihil secundum idem mouet seipsum; sed secundum diversas partes nihil prohibet, ut patet in VIII Physic. (comm. xxx), et sic accidit in actu morali, ut dictum est.

AD NONUM dicendum, quod aliquod bonum particulare est corruptivum alterius boni particularis propter contrarietatem quam habet ad ipsum; et sic nihil prohibet, malum, prout agit in virtute boni particularis, esse alterius boni corruptivum; sicut frigidum est corruptivum calidi; et hoc modo peccatum corruptivum bonum justitiae, convertendo se ad aliquod bonum sine modo et ordine, et per consequens diminuit aptitudinem ad justitiam.

AD DECIMUM dicendum, quod bonum et malum possunt duplice considerari. Uno modo secundum communem rationem boni et mali; et sic quodlibet malum opponitur cuilibet bono; et ita dicit Augustinus fallere Dialeticorum regulam dum malum est in bono. Alio modo possunt considerari secundum specialem rationem hujus vel illius boni vel mali; et sic non quodlibet malum opponitur cuilibet bono, sed hoc huic, ut cæcitas visui, et intemperantia temperantiae; et hoc modo malum nunquam est in bono sibi opposito, nec in hoc fallitur Dialeticorum regula.

AD UNDECIMUM dicendum, quod liberum arbitrium non patitur detrimentum in damnatis quantum ab libertatem, quæ non intendit aut remittit; sed patitur detrimentum quantum ad libertatem, quæ est a culpa et miseria.

AD DUODECIMUM dicendum, quod habilitas ad gratiam totaliter se tenet ex parte naturæ, etiam secundum quod ordinatur ad bonum moris.

AD DECIMUQTERTIUM dicendum, quod peccatum non est privatio pura, sicut tenebra, sed est aliiquid positive; et ideo se habet ut quoddam obstaculum gratiæ; sed ipsa privatio gratiæ se habet ut tenebra. Obstaculum autem diminuit habilitatem, ut dictum est.

AD DECIMUQCARTUM dicendum, quod habilitas ad gratiam non est idem quod justitia naturalis, sed est ordo boni naturalis ad gratiam. Nec tamen hoc est verum quod justitia naturalis diminui non possit. Rectitudine enim secundum hoc diminui potest quod id quod erat rectum secundum totum, in aliqua parte curvetur; et hoc modo justitia naturalis diminuit secundum quod in aliquo obliquatur; puta, in eo qui forniciatur, obliquatur naturalis justitia quantum ad directionem concupiscentiarum, et sic de aliis. In nullo tamen justitia naturalis totaliter corrumptur.

AD DECIMUQUINTUM dicendum, quod id quod est in aliquo, movetur ad motum ejus in quo est, quantum ad id in quo ab eo dependet, non quantum ad aliud. Anima enim in corpore existens dependet a corpore quantum ad locum, non autem quantum ad esse, nec quantum ad quantitatem; et ideo per accidens movetur localiter moto corpore, non tamen diminuit anima diminuto corpore nec corruptitur corrupto corpore. Malum autem culpæ non habet quantitatem ex bono nature, sed magis per recessum a bono nature, sicut ægritudo habet quantitatem per recessum a naturali dispositione corporis. Unde malum culpæ non diminuit diminuto bono nature, sicut neque morbus diminuit debilitata natura, sed magis augetur.

AD DECIMUSEXTUM dicendum, quod in potentia includitur etiam habilitas sive aptitudo ab bonum gratiæ; quæ qui-

dem habilitas diminuitur, ut dictum est, licet ipsa potentia non minatur.

**ARTICULUS XII. — *Utrum peccatum possit corrumpere totum bonum naturæ.***

Duodecimo queritur, utrum peccatum possit corrumpere totum bonum naturæ. Et videtur quod sic. Omne enim finitum per continuum diminutionem potest totaliter auferri. Sed bonum naturæ, quod est habilitas, est quoddam finitum, cum sit creatum. Ergo si diminuitur per peccatum, ut dictum est, art. præced., totaliter potest auferri.

2. Praeterea, bonum naturæ quod est habilitas ad gratiam, videtur diminui vel tolli per aversionem a gratia. Aversio autem habet statum, et non procedit in infinitum, quia conversio quæ ei opponitur, statum habet; non enim est in homine caritas infinita. Ergo diminutio boni naturalis statum habet: quod non esset, si semper aliiquid de bono nature remaneret: quia bonum naturæ semper natum est diminui per peccatum. Ergo videtur quod bonum naturæ totaliter per peccatum tolli possit.

3. Praeterea, privatio totaliter tollit habilitatem; cæcus enim nullo modo est habilis ad videndum. Sed culpa est quædam privatio. Ergo videtur quod totaliter tollat bonum naturæ, quod est habilitas.

4. Praeterea peccatum est tenebra spiritualis, ut Damascenus dicit (lib. II, cap. iv, circa princ.). Sed tenebra totaliter potest excludere lucem. Ergo totaliter potest culpa excludere bonum.

5. Praeterea, sicut se habet bonum gratiæ ad malum naturæ, ita se habet malum culpæ ad bonum nature. Sed per gratiam excludi potest totum malum naturæ, idest fomes, qui est inclitudo ad culpam, ut patet in beatis. Ergo per malum culpæ potest tolli totum bonum naturæ, quod est habilitas ad gratiam.

6. Praeterea, ibi habilitas ad gratiam remanere non potest, ubi est impossibilitas gratiam consequendi. Sed status damnationis, ad quam pervenitur per culpam, inducit impossibilitatem consequendi gratiam. Ergo per culpam potest tolli totum bonum naturæ, quod est habilitas ad gratiam.

7. Praeterea, Dionysius (iv cap. de divin. Nomin.) dicit, quod malum est defectus naturalis habitudinis; quod maxime videtur competere malo culpæ. Ergo videtur quod totaliter bonum naturæ, quod est habilitas, per peccatum deficiat.

8. Praeterea, quidquid ponit aliiquid extra statum naturæ, videtur tollere bonum naturæ. Sed peccatum ponit peccantem extra statum naturæ; dicit enim Damascenus (lib. II, cap. IV, par. a princ.), quod Angelus peccans cedidit ab eo quod est

secundum naturam, in id quod est praeter naturam. Ergo peccatum tollit bonum naturae.

9. Præterea, privatio non privat nisi quod est. Sed gratia non fuit in Angelis ante peccatum. Ergo peccatum Angeli non privavit gratiae bonum : relinquitur ergo quod privaverit bonum naturae.

10. Præterea, diminutio est quidam motus. Idem est autem motus totius et partis, ut glebae unius et totius terræ, ut dicitur in IV Physic. (com. XLVIII). Si ergo aliquid de bono naturae diminutio per peccatum, totum bonum nature per peccatum tolli potest.

Sed contra, quamdiu manet voluntas, remanet habilitas ad bonum. Sed peccatum non tollit voluntatem, quin immo in voluntate consistit. Ergo videtur quod peccatum non possit tollere totum bonum nature, quod est habilitas.

Respondeo dicendum, quod impossibile est quod per peccatum tollatur totaliter bonum nature, quod est aptitudo vel habilitas ad gratiam. Sed ex hoc videtur difficultas insurgere, quia cum illa habilitas sit finita, videtur quod per continuam diminutionem totaliter deficere possit. Quam quidem difficultatem aliqui vitare voluerunt, accipientes similitudinem ex continuo finito, quod in infinitum dividitur, si fiat divisio secundum eamdem proportionem : puta, si a linea finita subtrahatur tercia pars eius, et iterum tercia pars residui, et sic inde, nunquam statib[us] divisio, sed poterit in infinitum procedere. Hoc autem in proposito locum non habet; quia cum procedit divisione lineæ secundum eamdem proportionem, semper pars secundo subtracta est minor quam pars quæ primo subtrahitur; sicut majus est tertium totius, quam tertium duarum partium residuarum, et sic de aliis; non autem potest dici, quod per secundum peccatum minus diminuitur de habilitate predicta quam per primum; immo forte æquilater, vel etiam plus, si peccatum fuerit gravius. Et ideo aliter dicendum, quod habilitas dimini potest dupliciter : uno modo per subtractionem; alio modo per contrarii appositionem. Per subtractionem quidem, sicut aliquod corpus est habile ad calefaciendum per calorem quem habet; unde diminuto calore diminuitur habilitas calefaciendi. Per appositionem autem contrarii, sicut aqua calefacta habet naturalem aptitudinem vel habilitatem ad infirmitationem : sed quanto plus fuerit appositorum de calore, tanto minuitur habilitas ad frigus : hic enim modus diminutionis qui est per appositionem contrarii magis habet locum in potentibus passivis et receptivis: primus autem modus in potentibus activis; quamvis uterique modus in utrisque potentibus aliquiliter inventari possit. Quando ergo est diminutio habilitatis per subtractionem, tunc totaliter habilitas potest auferri ablato eo quod habilitatem causabat : quando vero habilitas diminuitur per

appositionem contrarii, tunc considerandum est utrum appositi contrarii excedens (1) possit corrumperre subjectum, aut non. Si enim potest corrumperre subjectum, potest totaliter habilitas tolli; sicut tantum potest augeri calor in aqua, quod corrumperat aqua; et sic totaliter tollitur habilitas quæ speciem aquæ consequebatur. Si autem per appositionem contrarii, quantumcumque multiplicetur, non possit subjectum corrupti, semper quidem minuitur habilitas contrario apposito crescente, nunquam tamen totaliter tolletur, propter permanentiam subjecti, in quo radicatur talis habilitas; sicut quantumcumque calidum cresceret, non tolleret aptitudinem materie primæ, quæ est incorruptibilis, ad formam aquæ. Manifestum est autem quod habilitas naturæ rationalis ad gratiam est sicut potentie susceptive, et quod talis habilitas naturam rationalem consequitur inquantum hujusmodi. Dicturn est autem supra, art. præced., quod diminutio hujus habilitatis est per appositionem contrarii; dum scilicet creatura rationalis avertitur a Deo per conversionem ad contrarium. Unde cum natura rationalis sit incorruptibilis et non desinet esse, quantumcumque peccatum multiplicetur, consequens est quod habilitas ad bonum gratiae semper diminuat per appositionem peccati, ita tamen quod nunquam totaliter tollatur; et sic in proposito diminutio procedit in infinitum per oppositum ad appositionem (2), sicut in continuo e converso apposito fit in infinitum per oppositum ad divisionem, dum quod uni lineæ subtrahitur alteri apponitur.

AD PRIMUM ergo dicendum, quod ratio illa procederet, si bonum nature diminueretur per subtractionem, sicut jam dictum est.

AD SECUNDUM dicendum, quod conversio et aversio habent statum quo pervenient actu (3); quia non est conversio vel aversio actu infinita; non tamen habent statum quantum ad id quod est in potentia; quia tam merita quam demerita possunt in infinitum multiplicari.

AD TERTIUM dicendum, quod privatio quæ tollit potentiam, tollit totaliter habilitatem, sicut cæcitas quæ tollit potentiam visivam, nisi forte secundum quod remanet habilitas vel aptitudo in radice potentie, idest in essentia animæ. Privatio autem quæ tollit actum, non auferit habilitatem; et talis privatio est privatio gratiae, sicut et tenebra, quæ est privatio lucis aere. Peccatum autem non est ipsa privatio gratiae, sed obscurum quoddam, quo gratia privatur, ut supra dictum est.

AD QUARTUM dicendum, quod sicut tenebra excludit lucem sibi oppositam, non autem aptitudinem ad lucem, quæ est in aere; similiiter per peccatum excludit gratia, non autem aptitudine ad gratiam.

(1) *Al. exercens.* — (2) *Al. ad oppositionem.* — (3) *Al. provenient in actu.*

AD QUINTUM dicendum, quod pronitas ad malum, quae dicitur fomes, non consequitur naturam sicut habilitas ad bonum, sed consequitur corruptionem nature, quae est ex culpa; et ideo fomes totaliter per gratiam tolli potest, non autem bonum nature per culpm.

AD SEXTUM dicendum, quod impossibilitas ad gratiam quae est in damnatis, non est ex totali subtractione habitatis naturalis ad bonum, sed ex obstinatione voluntatis in malo, et ex immobilitate divinæ sententiae, ne eis in perpetuum gratia apponatur.

AD SEPTIMUM dicendum, quod defectus naturalis aptitudinis non sic intelligitur quod tota naturalis aptitudo deficiat, sed quia deficit a sua perfectione.

Et similiter dicendum AD OCTAVUM, quod peccatum non totaliter ponit extra statum naturæ, sed extra ejus perfectionem.

AD NONUM dicendum, quod privatio non solum privat quod est, sed etiam id quod natum est esse: potest enim aliquis privari aliquo quod numquam habuit, dummodo natus fuisset habere. Et tamen hoc non est verum, quod Angeli in principio sue creationis gratiam non haberunt: simul enim Deus in eis condidit naturam et largitus est gratiam, ut Augustinus dicit (xii de Civit. Dei, cap. ix, a med.).

AD DECIMUM dicendum, quod ratio illa procederet, si diminutio illa fieret per subtractionem partis.

### QUÆSTIO III

#### DE CAUSA PECCATI

(In quindecim articulos divisa.)

Primo enim queritur utrum Deus sit causa peccati; 2º utrum actio peccati sit a Deo; 3º utrum diabolus sit causa peccati; 4º utrum diabolus possit inducere homines ad peccandum interius persuadendo; 5º utrum omne peccatum veniat ex suggestione diaboli; 6º utrum ignorantia possit esse causa peccati; 7º utrum ignorantia sit peccatum; 8º utrum ignorantia excusat vel diminuat peccatum; 9º utrum sciens ex infirmitate peccet; 10º utrum peccatum ex infirmitate factum imputetur homini ad culpam mortalem; 11º utrum infirmitas alleviet vel aggravet peccatum; 12º utrum aliquis possit ex malitia vel certa scientia peccare; 13º utrum gravius peccet qui ex infirmitate peccat quam qui ex malitia; 14º utrum omne peccatum ex malitia sit peccatum in Spiritum sanctum; 15º utrum peccatum in Spiritum sanctum possit remitti.

ARTICULUS PRIMUS. — *Utrum Deus sit causa peccati.* (I-II part., quest. LXXIX. art. 6.)

Quæstio est de causa peccati. Et primo queritur, utrum Deus sit causa peccati. Et videtur quod sic. Dicit enim Apostolus ad Romanos, 1: *Tradidit eos Deus in reprobum sensum, ut faciant quæ non convenientia;* ubi dicit Glossa Augustini sumpta ex lib. de Gratia et lib. Arbitrio (cap. xxi, a med.): *Manifestum est Deum operari in cordibus hominum inclinando voluntates eorum in quocumque voluerit, sive ad peccatum sive ad malum.* Sed inclinatio voluntatis ad malum est peccatum. Ergo Deus est causa peccati.

2. Sed dicendum, quod inclinatio voluntatis ad malum, dicitur esse Deo in quantum est poena; unde ibidem de Dei iudicio loquitur. — Sed contra, non potest esse idem secundum idem poena et culpa, ut supra, quest. i de malo, art. 4 et 5, dictum est; quia poena secundum suam rationem repugnat voluntati, culpa autem secundum suam rationem est voluntaria. Sed inclinatio voluntatis pertinet ad rationem voluntarii. Si ergo Deus inclinat voluntatem in malum, videtur quod et ipse sit causa culpæ in quantum est culpa.

3. Præterea, sicut culpa opponitur bono gratiæ, ita poena opponitur bono naturæ. Sed non impeditur quin Deus sit causa poenæ per hoc quod est causa naturæ. Ergo neque impeditur esse causa culpæ per hoc quod est causa gratiæ.

4. Præterea quidquid est causa cause est causa causati. Sed liberum arbitrium est causa peccati, cuius causa est Deus. Ergo Deus est causa peccati.

5. Præterea, illud a quo inclinat virtus data a Deo, est causatum a Deo. Sed virtutes quædam datae a Deo inclinant ad peccatum, sicut irascibilis ad homicidium, et concupisibilis ad adulterium. Ergo Deus est causa peccati.

6. Præterea, quicunque inclinat voluntatem suam vel alterius ad malum, est causa peccati; puta, si homo faciendo elemosynam inclinet voluntatem suam ut intendat inanem gloriam. Sed Deus inclinat voluntatem hominis in malum, ut jam dictum est. Ergo est causa peccati.

7. Præterea, Dionysius dicit (iv cap. de div. Nom.), quod apud Deum causa malorum sunt. Sed non sunt in Deo otiosæ. Ergo Deus est causa malorum, inter quæ computantur peccata.

8. Præterea, Augustinus dicit (in lib. de Natura et Gratia, cap. xxvi, a med.), quod gratia in anima est sicut lux per quam homo bonum operatur, et sine qua bonum operari non potest. Sic ergo gratia est causa meriti. Ergo per oppositum subtractionis gratia est causa peccati. Sed Deus est qui subtrahit gratiam. Ergo Deus est causa peccati.